



Broj: 12-23-21017/24
Zenica, 10.01.2025.godine

Na osnovu odredbi člana 70. Zakona o organizaciji organa uprave u Federaciji BiH („Službene novine Federacije BiH“ 35/05), članova 200. i 262. Zakona o upravnom postupku („Službene novine Federacije BiH“, broj: 2/98) i članova 73. i 77. Zakona o cestama Federacije BiH („Službene novine Federacije BiH“, broj: 12/10), a rješavajući po zahtjevu „EURO-ASFALT“ d.o.o. Sarajevo, broj: MED-1280-24-DP od 18.12.2024. godine, Ministarstvo za prostorno uređenje, promet i komunikacije i zaštitu okoline Zeničko-dobojskog kantona, donosi:

RJEŠENJE

Privrednom društvu „EURO-ASFALT“ d.o.o. Sarajevo (Izvođač) daje se odobrenje za obustavom saobraćaja zbog izvođenja radova na izgradnji autoputa Vc dionica Putnikovo brdo-Medakovo, u dijelu naseljenog mjesta Makljenovac, koji obuhvata i dio regionalne ceste R474a Bejići-Makljenovac-Vila spoj na petlju Usora.

Obustava prometa na dijelu regionalne ceste R474a Bejići-Makljenovac-Vila, u dužini od 600 m, od skretanja za Rajkovače do skretanja za Brkoviće, traje u periodu od 15.01. do 15.03.2025. godine, pod uslovima kako slijedi:

1. Prije početka izvođenja radova Izvođač je dužan postaviti privremenu saobraćajnu signalizaciju. Nakon završetka i prijema radova od strane investitora Izvođač je obavezan ukloniti postavljenu privremenu signalizaciju.
2. Da organizuje izvođenje radova u skladu sa tehničkom dokumentacijom „Elaborat privremene regulacije saobraćaja za vrijeme izvođenja radova na saobraćajnici u naselju Makljenovac, Općina Usora“, urađen od strane „Design&QC“ d.o.o. Sarajevo, broj: 1015-1014/24, decembar 2024. godine, te da se regulisanje odvijanja prometa riješi u saradnji sa Ministarstvom unutrašnjih poslova Zeničko-dobojskog kantona.
3. Za vrijeme trajanja obustave promet će se odvijati predviđenom obilaznicom koristeći se lokalnim putnim pravcem u neposrednoj blizini izvođenja radova. Kao alternativni putni pravac za Usoru koristit će se magistralna cesta M4 – Most Usorskih branitelja.
4. Obaveza putem sredstava javnog informisanja pravovremeno obavijesti učesnike u prometu o potpunoj obustavi prometa i alternativnim cestovnim pravcima i to najkasnije u roku od 48 (četrdesetosam) sati prije početka obustave.
5. Izmjena prometa ne odnosi se na vozila organa unutrašnjih poslova, sanitetska vozila i vozila vatrogasnih jedinica, kao ni za stanovnike Makljenovca koji pristupaju svojim objektima sa predmetne saobraćajnice u zoni radova.
6. Da podnosilac zahtjeva snosi naknadu za sve eventualne štete nastale na cesti, korisnicima ceste i cestovnog zemljišta prouzrokovane izvođenjem radova.

Obrazloženje

Privredno društvo „EURO-ASFALT“ d.o.o. Sarajevo, broj: MED-1280-24-DP od 18.12.2024. godine obratilo se zahtjevom za potpunom obustavom saobraćaja izvođenja radova na izgradnji autoputa Vc dionica Putnikovo brdo-Medakovo u dijelu naseljenog mjesta Makljenovac, koji obuhvata i dio regionalne ceste R474a Bejići-Makljenovac-Vila spoj na petlju Usora.

Ovo rješenje podliježe plaćanju kantonalne administrativne takse u iznosu od 10.00 KM shodno odredbama člana 25. tarifni broj 10 Zakona o kantonalnim administrativnim taksama („Službene novine Zeničko-dobojskog kantona“ broj: 13/02).

Protiv ovog rješenja može se izjaviti žalba Ministarstvu za promet i komunikacije Federacije BiH, u roku od 8 dana po prijemu istog.

Dostavljeno:

- 1 x Kantonalna direkcija za ceste
- 1 x Izvođač
- 1 x MUP ZDK,
- 1 x BIHAMK,
- 1 x a/a.

 **MINISTAR** - ?

Adnan Šabani

